

益部方物略記

宋祁撰

中華書局

益部方物略記序

宋端明殿學士吏部侍郎知益州安陸宋祁子京撰

益爲西南一都會左阻劍門右負夷蕃內坦夷
數百里環以長江裹以複岑川陸盛氣礙而不
得東回溥蜿蜒還負一方爲珍木爲怪草爲鳥
魚芋稻之饒日暘雨雨噓和吐妍層出雜見不
可勝狀殆岷精縕靈示□□□璫於茲壤也嘉
祐建元之明年予來領州得東陽沈立所錄劍
南陽物二十八種按名索實尚未之盡故遍詢

西人又益數十物列而圖之物爲之贊圖視狀
贊言生之所以然更名益部方物畧記凡東方
所無及有而自異皆取之冀裨風土聚丘之遺
云

題益部方物略記

檢子京方物略記便使人欲登汶領躡峨眉作
右軍馳想然其所載猶有遺脫若左思賦踔蹶
山棲劉良注給客橙及蒟汁凝成可醢食李德
裕得蒙茶以沃于湯瓶上驗之段成式竹蜂蜜
紺色可愛黃庭堅焚道苦笋冠冕兩川又若杜
甫詠桃竹丁香麗春白居易詠山石榴元稹詠
山枇杷顧況詠露青竹王周詠金盤草蘇軾詠
萬蝶花范成大詠紫河車寶相花其所狀寫皆

蜀中奇產人雖有前後物不異古今併錄于此
爲宋公補遺

新都孫震卿校 繡水沈士龍題

萬震南州志以韻語紀物質雅可誦後來惟江
文通吳興草木頌僅足嗣響頃復得宋子京益
部方物略記凡草木垂魚六十五條而寫色奏
音一倣于震第見白氏長慶集木蓮樹詩叙云
木蓮樹一呼黃心樹大者高五丈涉冬不凋身
如青楊有白文葉如桂厚大無脊花如蓮香色

豔賦皆同獨房藥有異視宋注最詳宋又注聖
瑞花云率以秋開央草云春葉晚生而范成
大詠聖瑞花云挽春同住夏看到火雲流薛濤
詠央草云但娛春日長不管秋風早是春夏
便已著花春葉非晚生矣至若改羞天爲羞
猶不失以妍易俚其改虞美人爲娛美人則虞
之與娛兩義自通得無更遺宵窳匪禎之誚

海鹽胡震亨題

新都孫震卿校

益部方物畧記一卷

宋宋祁撰 明沈士龍胡震亨同校

櫻皆禿皮此獨自榦攢葉于顛纛首披散秋華而實其值則罕

右海櫻

大抵櫻類然不皮而榦葉叢于抄至秋乃實似棗予今城中有四株

甘子美左綿海櫻行理綴榦堅風雨不能撼云

在土所宜亭擢而上枝枝相避葉葉相讓如向切繁陰可庇美榦斯仰

右楠

蜀地最宜者生童童若幢蓋然枝葉不相疑茂葉美陰人多植之樹甚端

偉築經歲不彫至春陳新
相換有花實似毋丁香云

歟植易安數歲輒林民賴其用實代其薪不棟
不梁亦被斧斤

右橙

亦得所宜民家蒔之不三年材可倍
常薪之疾種亟取里人以爲利

杜于美有
覓橙栽詩

葉與竹類緻理如栢以狀得名亭亭修直

右竹栢

生峨眉山中葉繁長而鋒似
竹然其幹大抵類栢而亭直

木榦芋葉擁踵盤戾農經弗載不用治厲

右海芋

生不高四五尺葉似芋而有榦根
皮不可食方家號隔河仙云可用

變金或云
能止瘡

葉圓以澤素藹春敷子生莢間纍纍綴珠

右紅豆

花白色實若大紅豆以似得名葉如冬青蜀人以爲果餌

竹生三歲色乃變紫伐榦以用西南之美

右紫竹

蜀諸山中尤多園池亦種爲玩然生二年色乃變三年而紫

根不它引是得慈名中實外堅筍不時萌末或
下垂苒弱綠縈

右慈竹

性叢產根不外引其密間不容筍筍生夏秋閱歲枝葉乃茂別有數

種節間容八九寸者曰籠竹一尺者曰苦竹弱稍垂地者曰釣絲竹或取節修

膚皺者用
爲簞笠

葉欒身竹族生不蔓有皮無枝實中而幹

右欒竹

性亦叢產葉似欒有刺徑不
三二寸或曰桃竹未得其詳

竹箇皆圓此獨方形厚倍於竅細節稜稜

右方竹

圓象方寡取
貴方者差小

碧葉素葩厥包之珍丹裏旣披香液飴津

右柑

生果渠嘉等州結實圩
於江南味亦差爲薄云

芋種不一鷓芋則貴民儲於田可用終歲

右赤鷓芋

蜀芋多種鷓芋爲最美俗號赤
鷓頭芋形長而圓但子不繁衍

又有蠻芋亦美其形則圓子繁衍人多
蒔之最下爲博果芋搏接也言可接果
山中人多食之惟野芋人不食本草有
六種曰青芋紫芋白芋眞芋蓮藕芋野
芋

西南所宜柔蔓紛衍縹穗綠實其甘可薦

右綠蒲萄

北方蒲萄熟則色
紫今此色正綠云

栗類尤衆此特殊味專蓬若橡託神以貴

右天師栗

生青城山中他處無有也似栗
味美惟獨房爲異久食已風孿

有子孫枝不蘄而實薄言采之味埒蜂蜜

右天仙果

樹高八九尺無花其葉似荔枝
而小子如櫻桃纍纍綴枝間六

七月熟
味至甘

挺幹旣脩結蔕茲白戟外澤中甘可以食

右喂枝

生邛州山谷中樹高丈餘枝脩弱花白實似荔枝肉黃膚甘味可食

大若
爵卵

花跗芬侈叢刺於梗不可把玩艷以妍整

右錦被堆

花出彭州其色一似薔薇有刺不可玩俗謂薔薇爲錦被堆花

冉冉其條若不自持綠葉丹英蔓衍紛垂

右錦帶花

蜀止中處處有之長蔓柔纖花葉間側如藻帶然因象作名花

開者形似飛鳥里
人亦號鬢邊嬌

石茗類然有蔓敷然取其肖象莫類於蟬

右石蟬花

始生其茗森擢長二三尺葉如
莖蒲紫萼五出與蟬甚類綠

相側蜀人因名之
又白者號玉蟬花

色與栢類萑萑其莖冬不甚黃故謂長生

右長生草

山陰蔽地多有之修莖茸葉色
似檜栢而澤經冬不凋損故號

長生

翠蔓紺茗回繚可喜時之庭堂珍以爲瑞

右瑞草

蜀人多種之庭檻蔓延長三
四尺珍而愛之故謂之瑞草

蕉無中幹花產葉間綠葉外敷絳質凝殷

右紅蕉花

於芭蕉蓋自一種葉小其花鮮明可喜蜀人語染深紅者謂之

蕉紅蓋做

其殷麗云

僧柯柔蔓濃淺繁總盛則重蔕不常厥種

右重葉海棠

海棠大抵數種又皆小異惟其盛者則重葩疊萼可喜非

有定種也始濃稍淺爛若錦章北方所植率枝強花瘠殊不可玩故蜀之海棠誠爲天下

奇蓋云

花亘四時月一披秀寒暑不改似固常守

右月季花

此花卽東方所謂四季花者翠蔓紅蔕蜀少霜雪此花得終歲

十二月
輒一開

豈粒茂苗豆別一類秋種春斂農不常時

右佛豆

豆粒甚大而堅農夫不甚種唯園中蒔以爲利以鹽漬與食之小兒所嗜

自濃而淺花則常態今顧反之亦反之怪

右添色拒霜花

生彭漢蜀州花常多葉始開白色明日稍紅又明日

則若桃花然

人情尚奇賤白貴黃厥英畧同實寡于香

右黃荼蘼

蜀荼蘼多白而黃者時時有之但香減于白花

綠實若莢味辛香苾枳粒莢臙椒桂之匹

右艾子

艾木大抵葉莫類也實正綠味辛蜀人每進羹臠以一二粒投之少

選香滿孟酸或曰作爲膏尤良按揚雄蜀都賦當作藪藪共同字云

翠蘂對生甚似匹鳥逼而觀之勢若偕矯

右鴛鴦草

春葉晚生其稚蘂在葉中兩兩相向如飛白一對翔

附陽而生垂若文縮大槩苔類土石所交

右仙人縮

生大山中與苔同種但巖陰石隈多鮮翠長二一尺叢垂若縮

或言深谷有長丈餘者

翠莖纖柔稚葉相當逼而歌之或合或張

右娛美人草

蜀中傳虞美人草予以虞作娛意其草柔纖爲歌氣所動

故其葉至小者或動
搖美人以爲娛樂耳

冒寒而茂莖脩葉廣附莖作花葉蔽其上以其
自蔽若有羞狀

右羞寒花

蜀地處處有之不爲人所愛根
莖綴花蔽葉自隱俗曰羞天花

予易爲羞寒花按
本草名曰鬼白

衆跗聚英爛若一房有守繪圖厥名乃童繁而
不艷是異衆芳

右瑞聖花

出青城山中幹不條高者乃尋
丈花率秋開四出與桃花類然

數十跗共爲一花繁密若綴先後相繼
未萎也蜀人號豐瑞花故